

# DE HOMINUM ANIMO

DISCEPTATIONES METAPHISICO- THEOLOGICAE

Q U A S

EXCELLENTISSIMO VIRO

## D. VINCENTIO

R E V E R T E R I O

SALANDRAE DUCI, COMITI TRICARICI

DYNASTAE MILLIONICI, GRASSANI, GARAGUSII, CALCIANI &c.

UTRIUSQUE SICILIAE REGIS A CUBICULIS

INTER EOS, QUI EXERCITIO FUNGUNT

COHORTIS PRAETORIANAE DUCI &c. &c.

### P. VINCENTIUS MARIA EGYPTIUS

ORDINIS PRAEDICATORUM,

COENOBII S. MARIAE SANITATIS NEAPOLIS FILIUS

ET IN FLORENTINO S. MARCI COLLEGIO

THEOLOGIAE STUDENS.

*PRAESIDE ADMOD. REV. PATRE*


### PETRO VINCENTIO BARZANTIO

EIUSDEM ORDINIS, ET IN EODEM COLLEGIO

THEOLOGIAE PROFESSORE PRIMARIO,

L. M. D. D. D.

371.19



FLORENTIAE MDCCLXXIII.  
TYPIS REGIAE CELSITUDINIS APUD CAIETANUM CAMBIAGI.

*PRAESIDIBUS ANNUENTIBUS.*



## DUX EXCELLENTISSIME.



E hominum animo disceptaturis quid profecto nobis opportunius, quid magnificentius, quid evenire iucundius potuit umquam, quam, ut Te, Vir Princeps, Auspicem, & Patronum, & hac in quaestione, quæ quam sit plena difficultatis nemo unus non intelligit, Maecenatem amplissimum nancisceremur, qui quanto es animi dotibus, ilque singularibus præditus, tanto nobis præsidio, & ornamento esse possis? Res enim nulla est, de qua tantopere non veteres mo-

A 2

do,

do, verum etiam recentiores, & nostra memoria Theologi, & Philosophi disputerint, quam in ea quae est de immateriali hominum animo, de eius creatione, deque illius immortalitate, natura, proprietatibus, & eiusdem postquam e corpore excesserit sede, atque habitudine; quae porro quaestiones si rite institutae, definitaeque sint, eae videntur, & ad animi ipsius agnitionem pulcherrimae, & ad Religionem stabiliendam, tuendamque necessariae; quid enim homini esse potest optabilius, quid eo dignius, quam sui ipsius animi naturam, vim, sagacitatem, praestantiamque cognoscere? Quae vero esse pietas potest, quae sanctitas, quae religio, si cum corpore intereat animus, si corpore vacans non maneat, si post brevem vitae huius usuram nihil sit ei aut mali timendum, aut sperandum boni? Haec profecto quanti essent, quamque cum Religionis totius veritate, & sanctitate coniuncta cum intelleremus, esseque praeterea bene multos sciremus nostra etiam tempestate, qui fallaci copiosaue argumentorum pollicitatione animum corpore concretum definientes, ab eo virtutem omnem, meritum, nobilitatem, & spem universam dum eripiunt, Religionem ipsam, & pietatem adversus Deum, ac Rempublicam, funditus evertant, ac tollant; factum hinc est ut nobis, qui ex privata Scholae exercitatione in publicam hanc arenam descendere decrevimus, verendum satis esset ne dum in re difficillima cum multiplici hoste congredimur, assequi id possimus quod nobis erat initio propositum, animi nempe, quae vera sit natura, quae vires, quae proprietates, quae denique in unoquoque statu relatio ipsius, &

ha-

habitus ex omni argumentorum genere, & ex Scripturarum, Patrumque sententia plene, cumulateque statuere, & benevolos oppugnatores placare, & invidiosos vituperatores confutare, ita ut alteros reprehendisse poeniteat, alteri sibi esse cumulate responsum gaudeant, ac gratulentur. Verum omnis adempta nobis suspicio est, cum unum Te, Dux Excellentissime, summa animi voluptate intelleximus has nostras disceptationes in fidem, & clientelam sumpsisse, Teque omnium maxime certo scimus, & singulari humanitate Patronum nobis, & nominis gloria nostro huic libro, & disputationibus decori, atque ornamento futurum; facile enim nobis persuasimus Summum Virum, qui dignitate tanta, comitate, estimationeque virtutis excellat, quantam in Te omnes inesse admirantur, efficere non modo ut Thesium nostrarum omnes patrocinium sumant, verum etiam eis, si ullius quidem per se ipsae sint, plus pretii accedat. Quamvis autem nihil sit a nobis laboris, studii, diligentiaeque pretermissum ut noster hic labor & ob quaestionum optimarum delectum Christianae Reipublicae utilitati, & ob earundem defensionem firmitati esse possent, noveramus nihilominus ipsi nos, planeque sensiebamus praesidio nos illorum egere, qui plurimum apud probatos viros, & doctos auctoritate valeant, & dignitate, quarum alteram Tu ipse non vetustissima solum generis nobilitate, sed ingenio quoque, & doctrina, alteram, & doctrina, & rerum administrandarum prudentia, dexteritate, integritate, & multis in Rempublicam meritis es consequutus. Quis enim nesciat Te in iis facultatibus, quas liberales appellant, in iisque di-

sciplinis, in quibus fuisti iam usque a puero institutus, tanti valere, ut cum iis, qui non ex Nobilissima Tua Familia solum prodire, quos esse permultos, eosque omni virtutum genere ornatos intelligo, sed cum iis etiam, qui inter aequales tuos Principes viros excellenti sapientiae laude florent, sis omnino comparandus? Quotus enim quisque est, qui excellens ingenium Tuum non admiretur, Teque non magnopere celebret, quod iuvenili adhuc aetate rerum diversarum notionem, scientiamque cum admirabili quadam animi, morum, orisque suavitate, modestiaque coniunxeris? Quae res sane efficiunt, ut Salandrae populi, & Tricarici Cives sibi maiorem in modum gratulentur, quorum alteri Te spectatissimo eorum Duce, alteri humanissimo, rectissimoque Te Comite illius Civitatis gloriantur, ut perpaucos vetustissimae Gentis Tuae, qui amplissimis hisce dignitatibus usi sunt fortasse pares, superiorem autem in iis dirigendis, gubernandisque habuisse neminem videaris, id quod iucundo, hilarique animo recolunt, & fatentur ii, qui Millionici, Grassani, Garagussii, Calciani degunt, quique Te Dynasten, ac Dominum ipsi suum colunt, ac reverentur. Iure sane hinc factum novimus, ut utriusque Siciliae Rex, Pius, Felix, Optimusque meritorum, virtutisque aestimator, & iudex Te amplissimorum munerum, ac dignitatum accessione cumulandum curarit, Teque in eorum nobilissimorum virorum societatem adlegerit, qui Regiae illius Maiestatis a Cubiculis sunt, eoque in excelso honoris gradu, exercitioque versantur. Tuam in re militari virtutem, scientiamque cum incredibili animi magnitudine

dine coniunctam, auctam voluit, omnibusque per-  
spectam Rex Tuus, cum non solum Praetorianae  
Cohortis Praefecturam Te gerere voluit, verum  
etiam cum Te in acie illa Militum ad maris ripas  
Regio sapientissimoque consilio, ac munificentia nu-  
per constituta Ducem renunciavit, ac dedit, in qua  
dirigenda, instruendaque Regia Maiestas imperat  
ipsa per se sapienter, eamque rite, absoluteque  
moderatur, ac gubernat. Verum quid nos plura ad  
virtutes, laudesque Tuas memorandas congerimus,  
si florenti adhuc aetate ostendisse Te summo omnium  
gaudio, ac plausu intelligimus tantis animi dotibus,  
prudentia, aequitate, iustitia, comitate, ac lenita-  
te, virtute denique, & tot in Rempublicam meritis,  
dignum esse Te, qui amplissimam quamque di-  
gnitatem consequare, qua augere in dies elevare-  
que splendorem decusque maximum antiquissimae,  
spectatissimaeque Familiae Tuae posse videaris? De  
qua sane pervetusta Gentis Tuae gloria, ac digni-  
tate mittimus ea dicere, quae omnes qui Te no-  
runt, merito admirantur, quaeque brevi oratione  
complecti minime posse arbitramur. His igitur vir-  
tutibus, ac animi praestantia, hac tanta rerum mul-  
tarum scientia, his honorum titulis, & dignitatibus  
cum fulgeas, quid nobis illustrius, quid optatius,  
quid evenire accomodatius potuit, ut hoc quale-  
cumque opus, atque has disputationes nostras offerri  
Tibi, consecrarique Tuo Nomini paterere? Id sane  
eo libentius uluvenisse nobis gratulamur, quod Te  
Patrono, ac Maecenate Excellentissimo, non modo  
animum viresque ad disceptandum nobis maximae  
accedant, verum etiam quod hac una significatione

❖❖ ( VIII ) ❖❖

voluntatis, & observantiae in Te nostrae, aperire, declarareque possimus Tibi ipsi quantum & debeamus, & esse tribuendum putemus. Quae cum ita sint feres arbitramur, ut Te etiam atque etiam obtestemur, ne hoc, quamvis sit exiguum, grati obsequentisque animi in Te nostri argumentum excipere renuas, quod si Tibi gratum esse intellexerimus, & eo animo acceptum abs Te, quo Tibi est oblatum, arbitrabimur, & laborum fructum rulisse nos, & quod vehementer expetebamus, consequutos.





# DE HOMINUM ANIMO

## IN SE SPECTATO.



### SECTIO PRIMA.

#### I.



Ui animorum vires, ac proprietates omnes, eorumque relationes, scientiamque eorum universam lumine rationis consequi se polle arbitrantur, eos in re difficillima hallucinari, multisque sese erroribus implicari necesse est; id quod non apud veteres tantum cuiusque Sectae Philosophos, verum etiam apud recentiores bene multos usuvenisse intelligimus, qui quae Dei, quae Religionis, quae animi sunt ratione metiri, ac complecti se polle misere blandiuntur.

## II.

Hac igitur in quaestione de animo hominum, quae quam sit plena difficultatis, ac periculi nemo unus non videret, certa ut statuamus, atque ut inoffenso pede progredi possimus, non ratio solum est auscultanda, *qualis enim sit animus ipse animus nescit*, (1) verum etiam quae Sacris Litteris, traditione, ac SS. Patrum testimoniis continentur consulere necellum est.

## III.

Iraque firmis hisce rationum momentis innixi, illud primum decernimus hominum animos non ab omni aeternitate exitisse ex se ipsis, neque enim est in eis, vel esse umquam potest suae ipsorum existentiae sufficiens ratio; neque sponte veluti sua ex nihilo, nulla praeeistente causa, quo nihil absurdius, prodiisse.

## IV.

Ab omnium ergo rerum priori Causa factus est animus id quae ex Genes. cap. 2. praesertim deprehendimus, ubi postquam primi hominis creationem Moises descripsit, inspirasse inquit in eum spiraculum vitae, & subdit *factus est homo in animam Viventem*; Quod porro Geneseos testimonium vernacula Sac. Scriptoris lingua sic habet לְנֶפֶשׁ חַיָּה נִתְּנָה לָאָדָם. Haebreorum autem Sermone nomen נֶפֶשׁ animum, mentem, arbitrium, atque id genus similia quae ad animorum naturam pertinent intelligi oportere norunt omnes qui Haebraicas institutiones a primoribus labris salutarunt; neque ullum in Sacris litteris locum offendere quis umquam poterit, ubi de animo sit sermo institutus, quin נֶפֶשׁ vocabulum frequens occurrat,

## V.

(1) Lib. I. Tusc. Quaest.

## V.

Neque propterea ita est existimandum, animos ex divina substantia conditos esse (1): *Est enim, haec sententia multum aperteque perversa, & fidei Catholicae adversa, Deum animam non de nihilo, sed de se ipso fecisse*; quo quidem in errore non Gnosticos solum, & Manichaeos prolapsos video, verum etiam Benedictum Spinosam, & quotquot sunt de impio hoc grege Philosophorum; quibus, ni fallor, praevisse videri possunt Plaro, Pithagoras, & Tullius (2) qui etiam multa luculenter, copioseque de animo disserat, sic tamen habet: *Sive anima, sive ignis sit animus, cum iurarem esse divinum.*

## VL

Est igitur extra dubitationem omnem constitutum, animum, a Deo rerum omnium conditore esse e nihilo educum, atque per creationem extitisse: (3) *Creavit enim Deus hominem ad imaginem, & similitudinem suam.* Divina autem haec imago, & similitudo non corporis profecto est, sed animi, qui quanto sit corpore nobilior, ac praestantior ex divinitatis magnifica hac impressione colligere facile possumus.

## VII.

Longe autem ab recta philosophandi ratione, & quod caput est, ab catholicis Ecclesiae institutionibus abesse videntur ii qui cum Platone primum, Pithagora, Socrate, Tullio, caeterisque huius sectae Philosophis, ac deinde cum Origene (4) animos arbitrantur conditos multo profecto antequam in corpus immigrent, eosque somniant antequam corpora intrent, in rerum cognitione viguisse, quibus certe minime est assensendum, propterea quod non solum primi ho-

A 6

mi-

(1) S. August. De orig. anim. Lib. 3. c. 15.  
& Vincent. Victorem alloquens Lib. 4.  
*Qua impietate, inquit, ut careas ita oportet, ut dicas animae auctorem Deum, ut ab illo facta sit, non de illo.*

(2) Lib. I. Tusc. quaestio.

(3) Genes. 1.

(4) Lib. I. *ἐπεὶ ἀπὸ τοῦ Θεοῦ* cap. 7. &c.

minis animuni simul cum corpore creatum existimamus, verum etiam cuiusvis hominis animos tunc ab rerum omnium conditore Deo produci contendimus, cum corporum partes, atque organa ex ovo expanduntur, & animum exigere quodammodo videntur quo informantur, id quod cum iis (1) qui in re catholica recte sentiunt, plurimum convenit.

### VIII.

Qua quidem in quaestione tot inter se, & tam discrepantes extiterunt Patrum sententiae, ut Panphilus (2) optima ratione concludat Ecclesiasticos sua tempestate fere omnes de animi origine diversa ratione sensitisse; & Sanctus Augustinus, qui cum Hieronymo hac de re pluribus litteris diu multumque disseruit, fateri tandem non timuerit se id penitus ignorare: *Nam quod adinet, (3) ad animae originem qua sit in Corpore, utrum de illo uno sit qui primum creatus quando factus est in animam viventem, an similiter fiant singulae, singulis, nec tum sciebam, nec adhuc scio.* Id tamen nihil Sanctis illis doctrina, pietate, & eruditione praestantissimis Viris adfert erroris, aut vitii, propterea quod nihil tunc temporis Ecclesia hac de re sanxerat universa.

### IX.

Quod si fateri licet id, quod ex quamplurimis ipsorum Patrum scriptis colligimus, hanc profecto de animi origine in diversas partes disputationem, & opinionum diversitatem ex eo ortam existimamus, quod etsi certo scirent, fideque tenendum arbitrarentur originale primi hominis peccatum in posteros transire (4) nihilo tamen minus cum originalis huiusce culpae subiectum esse animum intelligerent, non ita facile statuendum censuerunt, quae nam tandem esset animi eiusdem origo (5).

### X.

(1) S. Hieronymus multas hac de re quaestiones instruens Lib. adversus Errores Ioannis Hierosol. An, inquit, (certe quod Ecclesiasticum est secundum eloquia Salvatoris) quotidie Deus fabricatur animas cuius velle fecisse est. & conditor esse non cessat. Et Augustin. Epist. ad Optat. 190 Sed mox, inquit, ex nihilo creatus animas singuli accipiunt.

(2) In Apolog.

(3) Lib. I. retract.

(4) Consulendus August. Lib. I. retractat. cap. 9. Lib. I. contra Iulian. Lib. de peccat. merit. & remis. cap. 9. Lib. de dono perseverant. cap. 11. & 12.

(5) Adeundus S. August. Epistola in videri seditione 16. in nova 166.

## X.

Abfit tamen, ut eisdem Sanctos Ecclesiae Patres arbitremur eo dementiae, ac erroris devenisse ut crederent, animos hominum ideo originalis piaculi macula infectos, propterea quod ex uno in alterum ex semine traducantur animi; id quod cum caeteri Patres, tum Hieronymus improbat saepius (1) *Animus non certe ex traduce ut Tertulianus, Apollinarius, & magna pars occidentalium autumant, ut quomodo corpus ex corpore, sic anima nascatur ex anima, & simili cum brutis animantibus conditione subsistat*; Ratum est ergo apud eos primi parentis maculam non carnali hoc fabuloso animorum faedere in posteros derivare.

## XL

Quare si hac in quaestione proferre licet quod sentimus, facili ratione difficillimam hanc, & ab haeroicis usque temporibus in diversas partes versam difficultatem dirimi posse censemus, si cum S. Thoma (2) aliisque bene multis Theologis statuamus, omnes homines, qui ex uno primo parente Adamo procreantur, cum in eadem natura conveniant, esse veluti unum hominem, id quod non auctoritas solum, sed etiam recta ratio confirmat (3); Itaque ex Adamo omnes homines, sicuti ex uno corpore multa membra, promanant; membrorum autem actus sunt a voluntate animi quo membra moventur: Et eadem ratione culpa omnium hominum qui ab primo parente sunt geniti, non est ipsis voluntaria; sed est a voluntate illius a quo originem, naturamque suam trahunt; unde apposite haec culpa originis dicitur, & naturae: *Eramus* certe (4) *natura filii irae*: Est igitur in omnes homines a priore parente peccatum originis, propterea quod originem ipsi suam ab eo per generationis motionem quamdam sortiuntur.

A 7

XII.

(1) Epist. lxxx. quaestionem sibi a Marcellino, & Anaphis praepositam, in hac Epistola dirimit Hieronymus.

(2) Prim. Sec. quaest. 81. art. 1. & 3. &c.

(3) Porphyrius Cap. de Specie Tom. I. *Participatione speciei, ait, plures homines sunt unus homo.*

(4) Ad Ephes. 2.

XII.

Nihil vero absurdius, nihil ab veritate magis alienum excogitari umquam potuit, quam animum ab corpore nulla ratione distinctum, eumque ex materia, & crassis, concretisque corporum partibus coalescere; id quod ut Ethnicos praeteream, effutire inlipienter non desinunt cum Tolando, (1) Gildonio (2), Obbesio, Elverio, nostra hac etiam aetate Voltaire (3), & quotquot sunt de impio hoc materialistarum grege plebei Philosophi, qui nihil animo videre cum possint, ad oculos omnia referunt, & cogitationem a consuetudine abducere nolunt. Est igitur apud bene institutos Philosophos, atque Theologos omnes compertum atque exploratum, esse animos omni corpore vacuos, & *spirituales*.

XIII.

Quis autem iis (4) merito non succenseat, qui permultis Ecclesiae Patribus vitio tribuunt, eos nempe existimasse animum esse corpore, & materia concretum, nihilque ab ipso met corpore differre? Qui autem id effutire non verentur, hanc profecto impune calumniam inurunt viris ingenio, ac doctrina praestantissimis, quos ab impio hoc materialistarum errore suis ipsorum scriptis vindicari apertissime possunt, neque ullum adferre Sanctum Ecclesiae Patrem potuerunt umquam, qui corpore compactum esse animum senserit, cum iis qui spiritum onnem de medio tollere conantur.

XIV.

Neque aliud est quidquam, cur male hisce feriatis hominibus incredibilis animorum videatur aeternitas, nisi quod nequeunt

(1) Lett. sur le mouvement.

(2) Oracles de la Raison.

(3) Lib. de l'Esprit.

(4) Unus Voltaire, praeter ceteris, nullo argumento, nulla ratione, nullaque proposita SS. Patrum auctoritate, haec,

ut affloret, prompte, ac libere scribit, Lett. Philosoph. xiii. Quant aux Peres de l'Eglise, plusieurs, dans les premieres siecles, plusieurs, dis-je, ont cru l'Ame humaine, les Anges, & Dieu corporels.

queunt qualis animus sit materiei expert, intelligere, & cogitatione comprehendere, sensu enim omnia metiuntur; quibus certe illud appolite est exprobrandum (1): *Si enim quod nunquam vidimus, id quale sit intelligere non possumus, certe & Deum, & divinum animum corpore liberum cogitatione complecti non possumus*: Itaque sempiternus est animus, deque eius immortalitate tacitam naturam iudicare deprehendimus, atque id ipsum Sacrae utriusque Faederis paginae ad impios quosque revincendos aperte restantur.

XV.

Tanta profecto est, tamque incredibilis immortalis huius, atque *spiritualis* substantiae vis, & potestas, ut omnia supera, infera, prima, ultima, media, acumine ipsa suo attingere possit; Viget enim animus, sentit, sapit, intelligit, vult, & reminiscitur; quare esse animum a Deo intellectione, ac voluntate donatum qui neget esse arbitror neminem, nisi is dum praeterita se tenere, & futura providere, & complecti praesentia se posse cognoscit, impune id neget quod sentit, & nisi tot apertissimis Scripturarum oraculis tenebras offundere insipienter velit.

XVI.

Iam vero quamvis animi quae sit propria essentia, ac natura, & in quo ea sita sit non ita facile comprehendi possit, eius tamen originem, vires, adtributa, ac proprietates quamplurimas intelligimus, nihilque esse in eo ex terra natum, aut factum, nihil in illo mixtum, atque concretum, esseque ab omni corpore distinctum, maximo argumentorum pondere fateri compellimur. Spiritus aurem, atque substantiae illius quae omni materia caret, completam distinctamque ideam habere se posse quis hominum umquam sibi persuadeat, qui nisi eorum quae sensibus attinguntur consuetudinem habet?

(1) Tullius Tusculan. quaest. Lib. I.

## XVII.

Quae de animorum origine, existencia, immortalitate, ac *spirituali* natura, & adtributis huc usque disseruimus, tanti profecto sunt momenti, ut merito summis ingeniis praediti Ecclesiae Patres, & Christiani orbis Philosophi omni cura, summoque studio in iisdem quaestionibus stabiliendis adlaboraverint, & tam inexpiabili religione sanxerit Ecclesia universa; Hac enim quaestione de animo, & Dei existencia, duobus veluti fundamentis, Religio stabilitur tota quanta est, ab iisque veluti fontibus eiusdem Religionis praecepta, atque instituta promanant, ut merito propterea habeat (1)

*Quapropter geminis fundatur nostra columnis  
Religio.....*

*Esse Deum auctorem rerum, iustique tenacem  
Esse animos nullo perituros temporis aevo.*

(1) Cardin. de Polig. Anti-Lucr. Lib. ix. v. 1115.







# DE HOMINUM ANIMO

## CORPORI ADIUNCTO.



### SECTIO SECUNDA.

#### XVIII.



Uam longe ab animo distet corpus, quamque inter se harum substantiarum altera ab altera discrepet, satis superque intelligimus; hae tamen semotae, dissimilesq; substantiae tam arcto colligatoque faedere consociantur, ut datæ in animo cogitationibus, atque affectionibus, totidem in corpus resiliant commotiones, iisque motibus corporum excitatis, animorum sensationes aequa proportionem respondeant; Mira autem haec animi cum corpore coniunctio, ex qua profecto subiectum illud innascitur quod dicitur *homo*, non aliunde quam a libera Dei voluntate, qui has condidit, creavitque discrepantes naturas repetant Philosophi, ac Theologi omnes necesse est (1), atque

A 9

hanc

(1) Card. de Polign. Anti-Lucr. v. 1007.  
At vinculum, si corpus erit, quod pre-  
dere mentem,

Et si incorporeum quod prendere membra  
valebit?  
Ergo infiniti coniunctis sola voluntas.

hanc corporum, & animorum adhaesionem, mutuamque eorum, ac perennem harmoniam non ita facile percipi a nobis posse fateamur, oportet: (1) *Modus quo corporibus adhaerent spiritus omnino mirus est, nec comprehendi ab homine potest, & hoc ipse homo est.*

XIX.

Qui vero miram illam, ac propemodum incredibilem sensationum, idearumque vicissitudinem, mutuamque animi in corpus, corporisque in animum motionum commercium phisicis rationibus complecti, atque explicare se posse blandiuntur, multis illi quidem sese difficultatibus implicant, nec id quod volunt assequi possunt umquam; Incertiores profecto sumus quam ante hac, & in eadem ignoratione versamur, quamvis nervos corporis omnes, quibus sensatio perficitur, cordarum instar tenfos, atque dispositos statuamus, qui animi in cerebro veluti nuncios, spirituum animalium subsidio, & tremula quadam morione externas obiectorum impressiones ad ipsum animum deferant, eumque excitent (2); sive commercii illam (3) in data occasione statutam legem animum inter, & corpus; sive tandem, sublata qualibet phisica mutuaeque animi, & corporis actione, harmoniam (4) illam praestitutam humanae libertati insensam divinemus, idem tamen saxum fudamus, nec hilum proficimus; Itaque hac in quaestione ad Omnipotentis Dei liberam voluntatem si confugiat Theologus operae pretium eum facturum arbitramur. (5)

XX.

(1) S. August. Lib. de Civit. Dei Lib. xxx. cap. 20.

(2) Acta Erudit. Lipsiae ad annum 1759. Jacob. Ioan. Hentschius, Meditationes de harmonia mentis.

(3) Malebranchii Sistema: Consule Boulier, Essai Philosoph. sur l'ame des bêtes, par. 2. c. 25.

(4) Leibnitii hypotesis de harmonia praestabilita.

(5) Cum Cl. Viro P. Malebranchio exprobrasset permulti eum in re philosophica, in hac nempe quaestione de mutua animi in corpus actione, & motu,

ad primam rerum omnium causam Deum appellasse, eique propterea regerent, quod apud veteres erat in proverbis, hoc est: *Deus in machina*. Huic porro obiectiōni Vir Cl. Stor. dell' Accad. Reale delle Scienze an. 1705. inter caetera, respondit: *Numquid causas Philosophus invenit, quae nullae sunt? Quod si corpus in animum, & animum in corpus agere non posse demonstratum sit; consequitur Dei unius voluntatem huius unionis veram esse causam; atque inde fit, ut non Deum in phisicam invicem trahamus, sed potius* *phi*

## XX.

Multa profecto peccant, atque ab omni veritate recedunt, qui cum Origene (1) animos autumant multo ante quam in corpora immitterentur, variis sese sceleribus maculasse, eosque somniant a conditore suo prava ipsorum voluntate recessisse, ac propterea post diversas conversiones, progressionisque e Caelis usque ad terras animos eosdem esse prolapsos (2), & pro culparum diversitate, diversa quoque corpora, quasi vincula promeruisse (3), quo nihil absurdius, nihilque ab catholica (4) veritate magis alienum.

## XXI.

Nulla proinde alia fuisset ratio, & causa Mundi huius condendi ex itorum hominum sententia, nisi quia locus adesset in quo animus omni corpori, veluti archissimo carceri, addictus suorum scelerum poenas lueret, atque eo solum con-

A 10

filio

*pbificam ipsam ad priorem sui ipsius auctorem revocemus. Et Anti-Lucr. Lib. ix. v. 5067.*

*Unde est igitur quod mutua sese...*

*Commisceant, certis in corpore motibus*

*ortis*

*Notitias menti advocat, tum certa cu-*

*pido*

*Atque ex notitia, certa quoque cupidine*

*mentis*

*Quidam evascentur motus, & corpore*

*gliscant &c.*

*Ergo infiniti coniunxit sola voluntas.*

(1) Lib. de Principiis.

(2) Favere videtur Origeni Clemens Alexandr. Stromat. Lib. I. cap. 3. Nemesius de natura hom. cap. 2. Ar. S. August. de Civitate Dei Lib. ix. cap. 18. *Animas, dicunt, peccasse a Conditoris recedendo, & diversis progressibus pro diversitate peccatorum à Caelis usque ad terras diversa corpora quasi vincula meruisse; id quod pluribus rationibus improbat. Nec ideo (inquit Epistola exc. ad Optatum) credimus animas venisse in corpus corruptibile, quo gravatur,*

*quod vitæ antea factae merita in illud compulerint.*

(3) Haec Origenis sententia in Synodo Constantin. an. 553. proscripta est, eamque pluribus in locis S. Augustin. insequitur, & praefertim de Civitate Dei Lib. ix. cap. 18. & S. Hieron. adversus Rufin. Lib. 3. & Comment. in Epistol. ad Eph. c. cap. 2. Origenes autem Platonis studiosissimus hunc ex ipso Platone errorem hauserat in Phaedone, & Epinome & Lib. 10. de Legib. & in Timaeo, ubi doctrinam hanc disertissime explicat, eamque multo profecto ante propugnauerat Pythagoras, & Empedocles, uti auctor est ipsemet Origenes contra Cels. & ipso Pythagora antiquior Orpheus: *Animam in corpore panis dicit, ut ait, Plato in cratyl.*

(4) S. August. ad Vincent. Victorem Lib. 3. cap. 9. *Haec dogmata, ait, quibus patitur anima ante carnem habuisse aliquem statum bonum, aut meritorium, si forte accessit, exceptis antiquis haereticis, etiam recentius in Priscillianistis Catholica damnatis Ecclēsa.*

filio corporibus esset universum opplerum, ut misera tandem captivitate in eadem corpora immigrans animus, expiaretur; ac propterea conditus esset Mundus non ut bona ibi constituta subsisterent, sed ut mala cohiberentur, uti egregie infert S. Augustinus; (1) Quae autem inde alia consequantur portenta, & absurda nemo est, qui non videat planeque sentiat.

## XXII.

Condita est igitur a Deo corporea quaevis creatura, eaque bona existit, neque animis cruciandis creata sunt corpora; Sed cum divina bonitas rerum omnium sit finis, minime profecto dubitandum est, quin & eadem haec corpora, quae animis informantur, propter ipsius bonitatem ab rerum omnium optimo conditore prodierint, qui *caelum, terram, mare*. & *omnia quae in eis sunt* fecit, (2) & condidit, ex iisque duabus miro ordine confociatis, ac discrepantibus substantiis *hominem* existere voluit, omnium in hac rerum universitate creaturarum praestantissimum, qui corpore compactus *Dei invisibilia* per corporum imagines, & *per ea quae facta sunt intellecta conspiceret*. (3)

## XXIII.

Nos igitur animo, & corpore mirabili quodam, ac pene singulari ordine, ac dispositione concreti non oculis cernimus ea quae videmus, neque enim ullus est sensus in corpore, (4) *Sed viae quasi quaedam sunt ad oculos, ad aures, ad nares a sede animi perforatae; itaque saepe aut cogitatione, aut aliqua vi morbi impediti apertis, atque integris oculis, & auribus nec videmus, nec audimus; Ut facile intelligi possit animum & videre, & audire, non eas partes quae quasi fenestrae sunt animi, quibus tamen sentire nihil queat mens, nisi id agat, & adsit; atque haec quidem corporum* no-

(1) De Civit. Dei Lib. ix. cap. 18. Miror, inquit, hominem (Origenem) in Ecclesiasticis litteris tam doctum non attendisse primum quam hoc esset contrarium Scripturae quaeque ad omnia opera Dei

subiungit (Genes. 1.) Et vidit Deus cuncta quae fecerat, & ecce bona valde.

(2) Psal. 120.

(3) S. Paul. Epist. ad Rom. 1.

(4) Cicero. Tusc. quaest. Lib. I.

noſtrorum veluti foramina, quae parent ad animum a corpore, callidiſſimo artificio natura fabricata eſt, & rerum omnium opifex ſapientiſſimus his omnibus inſtructos nos uſſe voluit, ut iſdem veluti inſtrumentis pro arbitrio quoque uſu uteretur animus, qui tandem ei *reſerre debet propria corporis prout geſſit ſive bonum, ſive malum.* (1)

#### XXIV.

Ex hac autem artiſſima, ac prorſus ſapientiſſima animi corporiſque unione, ex qua quidem hominis cuiuſque exurgit ſubiectum illud quod nobis *Perſona* dicitur, nulla omnino ſit animi corporiſque confuſio, neque una cum altera ſubſtantia ita commiſcetur, ut in unam ex duabus compactam coaleſcant ſubſtantiam; utraque autem in ſuo iplius eſſe conſiſtens unam eandemque omnium hominum naturam conſtituit, ad quam proſecto naturam componendam inconfuſis utriuſque ſubſtantiis corpus, & animus, ea qua diximus ratione, & mirabili artificio conſociantur; id quod ne ii quidem inſiciari poſſunt qui recta uti ratione voluerint. (2)

#### XXV.

Optima hinc ratione concludit S. Thomas (3), animum corpori uniti ut forma, eſſeque animum vere, proprieque dictam hominis iplius formam; Ex ea nempe corporis animique coniunctione, ex qua unum aliquod proficiſci necelle erat, conſequi oportere ſtatuit S. Doct̃or in Theologicis, ac Methaphiſicis diſciplinis apprime verſarus, ut in (4) uno eſſe utraque haec ſubſtantia conveniret, atque unam eandemque hominis naturam conſtitueret; hominemque, dixit, *eſſe.* (5)

A 11

unum

(1) S. Paul. 2. ad Corinth. cap. 5.

(2) Porſius licet Chriſtiani nominis hoſtis inſenſiſſimus id Neſtorio eiſque aſſectis minime concedendum exhibu-  
mavit, ut ex duabus naturis in Chriſto  
confuſione facta, una tantum exiſte-  
ret. Cap. 2. variis quaſt. Non impro-  
bandum, ait, accidere poſſe, ut aliqua  
ſubſtantia ad alterius ſubſtantiae aſſo-

lutionem aſſumatur, & pars ſubſtantiae  
ſit ita, ut in ſua iplius natura maneat,  
& aliam ſubſtantiam compleat, ut unum  
cum alio fiat, & ſuam unitatem con-  
ſervet, & ipla non varietur.

(3) Prim. Secund. quaſt. 81. art. 1. & 3.  
& Lib. 2. contr. Gent. cap. 68.

(4) Ibidem.

(5) Ibidem cap. 69.

unum aliquod ex substantia intellectuali, & materia corporis; Substantiam autem intellectualem, & animum aut esse formam & principium essendi substantialiter in homine, propterea quod talem profecto naturam, & hoc esse habet homo, ex formae huius unione cum hac materia; quod qui (1) non intellexerunt, illi quidem S. Doctoris principia expendere accuratius neglexerunt, atque insipienter certe, & impune S. Thomam Hobbesii, Lockii caeterumque materialistarum insignem patronum venditare indoctis non verentur.

XXVI.

Quid autem non ab recta solum philosophandi ratione, veram etiam a sanctis Ecclesiae institutis, ac sanctionibus magis abhorret, quam res in unoquoque homine animos inmittere ac definire, & in eo tres invicem distinctas, ac discrepantes substantias huiusmodi imaginari, & somnari? Intellegit certe homo, vegetatur, & sentit; at non est in eo triplex porro animus intelligens, vegetans, & sentiens; bene vero unus, idemque est animus hominis intelligentis, sentientis, & vegetantis; id quod & rectae rationi consonum, & iis quae a SS. Patribus, & universa Ecclesia sancita sunt mira consensione responder; Qui vero aliter sentiunt, ii non in philosophiam modo, verum etiam in religionem (2) ipsam maxima invehant portenta necesse est.

XXVII.

(1) Antonius Iemmenis in Regia Neapolitana Academia publicus Ethices Professor in sua Element. Metaph. parte altera in Scolio ad Propos. XXI. Additionis Neapolit. 1751. S. Thomam, atque universis fœmo scholasticis multis laesisset, atque ex suis ipsorum principiis contendit animum corporeum eos fecisse; quorum sententiam dum legeret, Miror, inquit, Hobbesianos, & Lockianos Philosophos dum de natura animi loquerentur, & quidem tanta cum invidia, ad hos patronos non appellasse &c. At ne ille quidem S. Thomam Prim. Secund. quaest. 81. perlegit, nec aliorum Theologorum qui eius vestigiis inhaerebant sententias mentemque nulla ratione est assequutus.

(2) Consule S. Thom. P. Part. quaest. 76. art. 2. & quaest. 112. art. 2. ad 2. In Concilio autem octavo Constantienopol. habito ann. 870. actio 10. Can. 11. haec habentur: *Apparet quosdam id temporis in tantum impietatis venisse, ut hominem duas animas habere impudenter dogmatizarent. Talis igitur impietatis inventores, & similia sentientes cum veteris & novum Testamentum, omnesque Ecclesiae Patres unam animam rationalem habere hominem assererent, Sancta, & universalis Synodus anathematizat.* Haec profecto omnia nec legerat, nec fortasse sciebat Vir Cl. Anton. Genuensis, qui hac praesertim in re multa peccat, & animum quemdam medium à non statuit,

## XXVII.

Neque tamen ita est existimandum, ut unus omnino, idemque sit omnium hominum animus, qui enim ita desiperet, ut unum cunctorum hominum esse animum crederet apertissimis ille quidem Sacrarum Scripturarum testimonis, ac universae SS. Patrum auctoritati contrairer: (1) *Quamvis igitur in eadem natura convenient animi, eiusdemque sint speciei, tamen multitudini corporum aequa animorum multitudo responder, ex quo fit ut idem numero animus non sit in omnibus hominibus, (2) qui certe non eadem sentiunt, non eadem cogitant, non eadem intelligunt, & reminiscuntur, sed pro diversitate hominum, diversae propenodum esse videntur eorundem cogitandi rationes; appolite hinc Philosophi (3) intellectum lumini comparant, quo profecto lumine non eadem ratione illustrantur obiecta quae ei subiiciuntur.*

## XXVIII.

*Quamdiu autem corpori coniunctus est animus, sentit hominis carnis, & spiritus concertationes, iisque angitur persaepe: (4) Caro enim concupiscit adversus spiritum, spiritus autem adversus carnem: haec enim sibi invicem adversantur, ut non quaecumque vultis, illa faciatis: Mutua autem haec carnis animique dissensio non aliunde reperant Theologi necesse est, quam*

runt, at certe de eo se cum multis aliis, quos citat, subdubitare visus est, element. Metaph. part. alter. in schol. ad prop. xxv. Eoque contemnit qui scripturarum oraculis unum esse hominis animum probare se posse merito arbitrantur. *Nec minus (inquit ibidem) moror Comenii argumenta & Scriptura Sacra deprompta ut constantis interpretationibus hominum FANATICORUM quid considerare videar. Nao ille quandoque dormitans vir caeteroqui doctus, & studitus*

..... *Risu excipit alio  
Hicrum sensus, plectoraque dicta Sapientum.*

- Marc. Thymoleont. Menipp. prima.  
(1) Concil. Lateran. sub Loon. X. Sess. 8. haec habet: *Sacro approbante Concilio damnamus, & reprohamus omnes assertores animam intellectivam mortalem esse, & unam in cunctis hominibus &c.*  
Consule S. Thom. P. p. quaest. 76. ar. 2.  
(2) S. Thom. P. p. quaest. 79. ar. 5.  
(3) Aristot. in 3. de anim. tex. 18. com. 2.  
(4) S. Paul. Epist. ad Galat. cap. 5.

❀ ( XXIV ) ❀

quam ab illa primi parentis culpa, per quam in omnes homines mors, obcaecatio, in malum, clementia boni ratione, inclinatio, ac omnium irruentium vitiorum turba derivantur. (1)

XXIX.

At (2) *Christus è Caelo pax nostra descendens, fecit utraque unum, & medium parietem maceriae solvit, inimicitias in carne sua lege mandatorum in decretis evacuans; ut duos conderet in uno novo homine faciens pacem, & reconciliaret utrosque in uno corpore Deo; quid porro iucundius, quid salubrius homini evenire potuit umquam, ut iuncto faedere inter has corporis animique conluctationes per Christi Domini mortem, sublatis inimicitiis, & tot gratiae donis quisque adiutus in societatem, concordiamque deveniret? Caro enim etsi adversus animum concupiscat, tamen imperio subiaccens animi a lege peccati per Christum soluti, & tot tantisque auxiliis, donisque cumulati, sit eadem ipsa Caro (3) animae appendix, non iam laena vitiorum, sed aemula quaedam, & quasi pedissequa virtutis..... & mens pura mundi huius exuta famulatu, sensus corporis in suas illicit, & adtrahit voluptates.*

XXX.

Miseriorem (4) profecto caeteris creaturis vitam traduceret homo si posita hac animi corporisque sui dissensione, & pugna

(1) S. Ambros. Expof. Evangel. fecundum Luc. Lib. vii. num. 141. *Poffunt, ait, etiam videri caro, atque anima ab odore, tactu, gustuque luxuriae feparata, in uno domo fe adversus incurfantia vitia dividentes... quorum licet diflenfo per praevocationem primi hominis in naturam fe verterit, ut utraque fibi paribus ad virtutem ftudis convenirent, tamen per crucem Domini Salvatoris... in focietatis concordiam congruerunt.*

(2) S. Paul. Ephes. 2. 14. 15. & 16.

(3) S. Ambros. ubi fupra n. 141. & 142.

(4) S. Thom. quaest. 6. de malo ar. unic. *Si enim, inquit, non fit liberum aliquid in nobis, fed ex neceffitate movemur ad volendum, tollitur deliberatio, exortatio, praecceptum, & poenitentia, & laus, & vituperium, circa quae moralis philofophia confiftit.*



gna, nullae ei superessent vires, quae quae bona sunt, & ad iustitiam pertinent prosequi, quaeque mala sunt, & ab veritate, & ab instituto divinitus ordine recedunt vitare per se, & fugere non posset; Itaque liber est homo, quem Deus *reliquit in manu consilii sui*; (1) & hac profecto arbitrii liberrate, & tot undique interioris, exteriorisque gratiae donis a Deo cummulatus atque adiutus homo, & carnis concupiscentias comprimere, (2) & ab vitiis sese cohibere, recteque vivere, & laborum, virtutisque aeterna praemia consequi, ac promereri a Deo felici, & iucunda conluctatione in hac vitae usura potest, & debet.

## XXXI.

Haec porro arbitrii libertas, quae (3) in ratione fira est in homine reperitur, qui tamen in summum illud incommutabile bonum, & in quod pondere veluti suo fertur libenter liber non est; quia certe in commune bonum sublata motione, nihil omnino velle posset homo; (4) est propterea in homine libertas illa quae a coactione, & altera quae a necessitate nuncupatur, quo fit, ut ad singulare quodcumque bonum sit indifferens, (5) & electione ipse sua ex ratione boni desiderio, & voluptate, ex ratione mali fuga, atque aversione sese determinet, atque operetur.

## XXXII.

(1) Eccl. 15.

(2) S. Hieron. in Epist. ad Galat. cap. v. *Inter iurgia carnis, & spiritus, inquit, media anima consistit, habens quidem in sua potestate bonum, & malum, velle, & nolle.* S. Ambros. Exposit. Evangel. secundum Luc. Lib. vii. num. 141. *Caro in naturam regressa, vigoris sui agnoscat altricem, atque ausu deposito contumacine, moderantis animae coniungatur arbitrio.* S. August. Lib. I. retract. cap. 9. *Voluntas est qua peccatur, & recte vivitur.*

(3) S. Thomas Prim. Sec. quaest. ix. ar. 5. & Pr. Pr. quaest. 83. ar. 1. & alibi.

(4) S. Thom. Pr. Sec. quaest. ix. ar. 6 ad 3. sic habet: *Deus movet voluntatem hominis sicut universalis motor ad universale obiectum voluntatis, quod est bonum, & sine hac universali motione homo non posset aliquid velle.*

(5) Idem S. Thom. Pr. Pr. quaest. 81. ar. 1. *Iudicium, ait, rationis non est ex naturali instinctu in particulari operabili, sed ex collatione quadam rationis, ideo agit libero iudicio, potest in diversis ferri.... & pro tanto necesse est quod homo sit liberi arbitrii ex hoc ipso quod rationalis est.*

Ea, qua de loquimur, hominis libertas ab ipsa ratione proficiens non idcirco imminuitur, vel infringitur, propterea quod externorum obiectorum (1) actione, summiq; Dei motione (2) adiuvetur, ac fulciatur; causae enim cuiuscumque ratio omnis semper est eadem, quavis aliarum causarum ope subleverur, ipsaq; mens hominum activitatem suam minime deperdens, & ex mali, bonique ratione operans, libera esse non desinit, etiamsi aliis externis, internisque motionibus, causisque voluptate trahatur. Quapropter nugae (3) profecto sunt, nec digna sapiente ea argumentorum genera, quae ad humanam libertatem labefactandam, tollendamque ex actione rerum, ex generali, & peculiari Dei concursu desumuntur, quibus rationum imaginibus, (4) simulacrisque eos fidere, atque

(1) Voluntatis inclinationes, aversionesque ex ratione boni, vel mali, & ex ideis boni, malique proficiuntur, quas profecto ideas ex obiectis persaepe animo innascuntur externis: Unde, inquit S. Thom. Pr. Sec. quaest. ix. ar. 4. ad 1. *motus voluntatis, est habens principium proximum intrinsecum, tamen principium primum est ab extra.*

(2) Deum hominis voluntatem movere, inque bonum commune inclinare ita, ut libera a necessitate non sit, explorata res est. Sed tamen (S. Thom. ubi supra ar. 6. ad 3.) interdum specialiter Deus movet aliquos ad aliquod determinate volendum quod est bonum, sicut in his quos movet per gratiam. Et Apostolus 2. ad Corinth. 3. *Non sumus sufficientes cogitare aliquid a nobis, quasi ex nobis, sed sufficientia nostra ex Deo est.*

(3) Quae ab Luthero, & Calvino ad libertatem et medio tollendam misere congesta, ac impie confarinata sunt argumenta, eadem requoquere extremis temporibus non dextiterunt praeter ceteris Obbes, Spinoza, Collins, & Elvetius omnibus formae suis ipsorum scriptis, quos praeterquamquod S. Thomas (apud quem in his potissimum de libertate

quaestionibus nil luculentius, nil cumulatius, nil firmitus dici potuit unquam) longe ante plenissime refellit; eisdem tamen omni ex parte veris eruditissime, & firmissimo argumentorum pondere Vir doctissimus P. Antonius Valsechi Ord. Praed. modo in Patavina Universitate primus Theologiae Professor, in Opere quod inscribitur: *Dei fundamenti della Religione*, Vol. I. Cap. 6.

(4) Intima quisque conscientia sentit se libertate donari, atque inde fit, ut nos reprehendendos a nobis ipsis arbitremur, si postquam unum praeter alio opus adhorti sumus atque elegimus, male postea nobis rem cessisse cognoscimus; integrum enim nobis fuisse intelligimus alia nos potuisse, & contraria ratione operari: hinc vel ipse Iuvenal. Satir. 13. v. 1.

*Exempla quodcumque malo committitur,*  
ipfi

*Displicet auctori, prima haec est ultio,*  
quod se

*Iudice nemo nocens absolvitur, improba*  
quonvis

*Gratia fallacis Praetoris nocetis unam.*

que inniti videmus, qui religioni, omnique veritati tenebras offundant, & quae in ipsis assidue contingunt, vel non intelligunt, vel ignorare pueriliter dicunt. (1)

### XXXIII.

Interest autem plurimum ad hanc plene, cumulateque stabiliendam hominis, tuendamque libertatem certum illud, ratumque statuere, nos ex ratione boni, vel mali per appetitum, vel aversionem in objecta ferri, eademque deperire, vel ab iisdem nos contineri, esseque huiusmodi objecta, si cum summo bono conferantur, finitae virtutis, multisque imperfectionibus obnoxia, ac propterea in eorum electione, aut fuga consulere nobis integrum omnino est, nec ulla ex eadem electione voluntati coactio, & necessitas infertur. Qua ex re consequi quis non intelligit eo magis nos in objecta voluntate tendere, quo plura ratione efficimus, quam cum naturae veluti imperu, atque affectibus operamur, nostraeque rationis imperium magis, magisque extendi, ac dilatasi?

### XXXIV.

Itaque extra dubitationem omnem constitutum contendimus eo nos esse ad agendum promptiores, quo plura sunt media, quibus ratio ipsa perficitur; quo enim ratio ipsa est auctior, & perspicacior, eo promptior est homo ad agendum minusque haeret, ac cunctatur. Igitur gratia, legislatio, rerum divinarum, humanarumque cognitio, quae rationem ipsam perficiunt, voluntatem quoque ipsam augeant, perficiantque necesse est; tantumque abest, ut divina gratiarum auxilia, legum conditio, & veritatum cognitio quidquam homini ad agendum detrahant, quin potius nihil eum provehat uberius, pleniusque corroboreret. Haec porro si probe ab iis essent intellecta, qui licet inviti, libertati tamen bellum indixere (ut

eo

(1) S. Ambrosius in Luc. *Datum est animae liberum arbitrium, quod qui nugariis rationibus labefactare conantur,*

*usque adeo carci sunt, ut ne ipsa quidem vana atque sacrilega propria voluntate se dicere intelligant.*

eo liberius, atque ut sibi misere blandiri videbantur, impune vitiis, atque flagitiis possent indulgere) abstinuissent profecto a tot tantisque argumentorum tricis, involucrisque ad libertatem (si vero possent) funditus tollendam, eamque potius Deo acceptam retulissent, (1) & sub eius gratia, praescientia, (2) morione, & auxilio augeri, servarique securius fateri se debere cognoscent.

DE

(1) S. Ambrosius expof. in Luc. Lib. viii. *Liberum arbitrium, inquit, datum est a Sapientissimo, atque Iuviffimo totius naturae Domino. Et egregie ad rem nostram Dant. Paradif. Cant. 4.*

*La maggior don, che Dio per sua larghezza  
Fecce creando, ed alla sua bontate  
Più conformato, e quel che ci più apprez-  
za,*

*Fu della volontà la libertate,  
Di che le creature intelligenti  
E tutte, e sole furo, e son dotate.*

(2) S. Auguft. in libris quos infcripfit de libero arbitrio luculenter, ut affolet, ea quodadmodò omnia refellit in eos, qui fua ipfius tempeftate contra libertatem infurrexere, ac nos conterque-  
mus adverfus eos bene multos, qui cum gratia, praescientia, & efficaci divina motione libertatem componi non poffe infipienter negant, atque id illis contingit, quod eveniffe Ciceroni lib. 2. de divinit. advertit idem S. Auguftinus, qui, ut homines faceret liberos, fecit facrilogos; Dei nempe fublata praescientia.





# DE ANIMO SEPARATO.



## SECTIO TERTIA.

XXXV.



Tñ ab rerum omnium conditore Deo constitutus ita fuerit homo, ut animo, & corpore perenniter vigeret, atque immortalitate gauderet, si in ea, in qua conditus fuerat iustitia perdurasset; tamen quia *per peccatum mors intravit in mundum*; (1) factum hinc est ut ab iusto Deo ea fuerit hominibus lex constituta, ut semel morerentur; (2) *Per unum enim hominem peccatum intravit in mundum, & per peccatum mors.* (3)

XXXVI.

- (1) S. Paulus in Epist. ad Rom. cap. 5.  
 (2) S. August. in Lib. de Qu. nov. & vet. Test. quæst. 19. *Deus hominem fecit, qui quamdiu non peccaret, immortalitate vigeret, aut ipse sibi auctor esset aut ad vitam, aut ad mortem.* Concil. autem Milevi. cap. 1. *Quicumque dicit, Adam primam hominem mortalem factam ita, ut si peccaret, si non peccaret, moreretur in corpore, hoc est de corpore exire non peccati merito, sed necessitate naturæ: anathema sit.* S. Thomas Pr. Sec. quæst. 85. art. 5. egregie

admodum, ac luculenter; *Et ideo, inquit, subtrahit originali iustitiæ per peccatum primi parentis, sicut vulnerata est humana natura quantum ad aium: non per deordinationem potentiarum, ita etiam corruptibilis est effectus per deordinationem ipsius corporis; subtrahit autem originis iustitiæ habet rationem poenæ, scilicet subtrahit gratiæ: unde etiam mors, & omnes defectus corporales consequentes sunt poenæ originalis peccati.*

- (3) Apost. ubi supra.

## XXXVI.

Iraque relicto corpore, ab eoque cuiusvis animus post bre-  
vem vitae huius usuram, excedens, interit homo, ac mori-  
tur: (1) *Est enim interitus quasi discessus, & secretio, ac di-  
raptus earum partium, quae ante interitum iunctione aliqua  
tenebantur.* Ipse vero animus quem aeternum, atque immor-  
talem diximus, ac decrevimus, quoniam corpore, ac partibus  
carentem certe nec secerni, nec dividi, nec discerpi, nec  
distrahi potest, nec interire igitur; itaque manet animus post  
corporis mortem, eodem corpore vacans, & in rerum co-  
gnitione vivit semper, ac viget.

## XXXVII.

Vim quoque ipse suam, sagacitatem, memoriam, volun-  
tatem, atque intelligentiam retinet animus a corpore seiun-  
ctus; cumque in hac vita magni referat quali in corpore  
animi locati sint: (2) *Multa enim e corpore existunt, quae  
mentem acuant, & multa quae mentem obtundant;* nulla pro-  
fecto tunc erunt e corporeis vinculis emissis animis huiusmo-  
di incommoda, quo minus intelligent uberius, pleniusque  
cognoscant. (3)

## XXXVIII.

Neque ea a corpore seiunctis animis facultas est dene-  
ganda, ut in iisdem scientiarum habitus, quos post tot exan-  
tatos in vita labores acquisierunt, remanere dubitemus; In-  
sunt igitur in animis a corpore liberis scientiarum, quibus im-  
buti erant, habitus omnes, earumque rerum rationes quos an-  
tea mente gerebant, easdem in ipsis separatis animis versari,  
ac

(1) Tullius Tusc. quaest. Lib. I.

(2) Tullius ibidem.

(3) S. Thom. 2<sup>a</sup> 2<sup>a</sup> Quaest. 89. art. 1.  
Unde, inquit, animae separatae de omni-

bus naturalibus cognitionem habent non  
certam, & propriam, sed communem,  
& confusam.

ac contineri profecto arbitramur (1): *Clara* (2) enim est, & quae nunquam marcescit sapientia; unde appolite ad Paulinum scribens S. Hieronymus: (3) *Discamus, inquit, in terris, quorum scientia nobis perseverent in Caelo.*

XXXIX.

Quamvis autem secreti a corpore animi cognitio ex locorum distantia nec augeri, nec imminui ulla ratione possit, (4) nihil enim quaecumque ea fuerit locorum distantia officere potest umquam, quin separatus animus cognoscat, atque intelligat; nihilo tamen minus non id animis istis tribuimus, quod illis nec competit quidem, eos nempe illa intueri, & cognoscere quae hic apud nos in hac rerum universitate aguntur; (5) sunt enim huiusmodi animi ab viventium hominum consortio seiuncti; quapropter quae apud nos pertractantur, ignorare eos prorsus existimamus; id autem de naturali eorum cognitione intellectum volumus, quoniam de Beatorum animis, de quibus agemus, aliter omnino sentiendum.

XL.

Iam vero ad animorum e corpore excedentiunt sedem, habitudinemque quod attinet, primum illud non solum ab recta philosophandi ratione, verum etiam ab omni Sacrarum Scripturarum veritate, & ab comuni Patrum sententia abhor-  
rere intelligimus, animos nempe ex uno in aliud hominis cor-  
pus

(1) S. Thom. Pr. Pr. quæst. 89. art. 5. Unde dicendum est quod habitus scientiae, secundum quod est in intellectu, manet in anima separata: & art. 6. in corp. Cum igitur species intelligibiles maneat in anima separata, ac dictum est, status autem animae separatae non sit idem sicut modo est, sequitur quod secundum species intelligibiles hic acquisitas, anima separata intelligere possit, quae prius intellexit.

(2) Sap. 6.

(3) Ad Paulinum Epist. 103.

(4) S. Thomas ubi supra art. 7. *Distantia*

localis nullo modo impedit animae separatae cognitionem. Et Luc. 16. legimus divitem iam in infernum detrutum a longe Abrahamum, & Lazarum, conspexisse.

(5) Idem S. Thomas art. 1. Secundum naturalem cognitionem animae mortuam nesciunt quae hic agantur. Sicut enim secundum ordinationem divinam, & secundum modum efficiendi segregatae a conversatione viventium, & coniunctae a conversatione spiritualium substantiarum, quae sunt a corpore separatae.

pus misera quadam, ac perenni circuitione transmigrare, (1) esseque propterea in hac rerum universitate admittendam miram illam, atque ab Aegyptiis (2) fortasse excogitatam Μετεμψύχωσιν, vel Μετεμψύχωσην.

## XLI.

Qua quidem in re ea cum Origene (3) dicunt nonnulli, ut mihi certe risum capere videantur; futurum enim arbitrantur ut e corporibus demigrantes animi non in hominum corpora solum, sed etiam in bruta animantia, plantas, vel etiam in astra, & in daemones transeant; quo fit ut pro diversa meritorum genera, qui homo antea erat, is quadrupes sit, vel angelus, vel planta; *ipsique (4) daemones ex Origenis sententia, & rectores tenebrarum in aliquo mundo si voluerint ad meliora converti, homines evident, & sic ad antiquum redire principium... angelum praeterea, aut animam, aut certe daemonem, quos unius asserit esse naturae sed diversarum voluntatum pro magnitudine negligentiae, & stultitiae iumentum posse fieri, & in aquis habitare, vel fluctibus... Ut nobis non solum quadrupedum, sed & piscium corpora sint timenda, quo quid viro sapiente indignius esse possit, non video.*

## XLII.

- (1) *Quidam*, ut in Pithagora refert Laetius Lib. 8. sec. 14. *primum* Pithagoram *señsile* animi, *animam* circulum *neceſſitatibus* immutantem *alias* aliis *illigere* *animantibus*; Id tamen inter Graecos commentum inveniſſe ait Hieronymus Apolog. adverſus Ruſin. *Apud Graecos*, inquit, *Pithagoras* *primus* *immortales* *eſſe* *animas*, *&c.* *de* *aliis* *corporibus* *transire* *ad* *alia* *invenit*.

- (x) Verum ab Aegyptiis *Marsufores* esse  
primum commentum, atque excoctica-  
mentum apertissime tradit Herodotus in Eu-  
ropeo cap. 172. Πρώτον δὲ καὶ οὗτοι τοὺς ἄλλους  
Αἰγύπτου εἰσι νομίζουσιν ὡς ἀνέστηεν φορὰ ἀδελ-  
φότητος ἐκ. καὶ αὐτοὺς τὴν κατὰδωδεκάτην,  
ἐξ ἧσδε καὶ αὐτὸν ἔβησαν. Pithagoram autem  
falsentem virum, summoque ingenio  
praeditum, incredibilem hanc animo-  
rum transmigrationem decessisse minime  
est exhibendum, cumque, & eius dis-  
cipulis hac super se diferentes non

fuisse intellectus ab eius auditoribus .  
aie S. August. Lib. 7. de Genes. ad lit.  
cap. 9. Ab plebeio, crasseque hoc erro-  
re eundem Pythagoram strenue vindican-  
te Marcellus Sicinus in argum. ad  
Plat. Phaed. Ioan. Mornobk Lib. 8. con-  
tra Iudae. Daniel Claffenius Tom. 8.  
Collect. Grenov. & Claudij Lignierius,  
qui in Diss. de Sect. Pythag. cap. 10.  
*Quæ fertur, inquit, dogma de transmu-  
tatione animarum ex uno corpore in  
aliud, quod alii ruditer non sine con-  
temptu famae Pythagoræ intellexerunt,  
cum nihil aliud ex intenderit, quam in-  
vestigationem bonorum ad actiones bonas,  
& debitationem ad vitia, &c*

- (3) Lib. *regi arxan.* S. Augustin. Lib. de Hæres. ad Quodvultdeum, vicio dat Tertulliano, eum docuisse animos hominum nequam in daemones converti, (4) S. Hieron. Epist. ad Avicum 104.

- (4) S. Hieron. Epist. ad Avicum 104.



## XLII.

Impia autem haec commenta ut firmitus statueret, & la-  
 rius propagaret Origenes innumeros pene mundos adfuturos  
 excogitavit in quibus animi de corpore in corpus veluti pe-  
 regrinarentur, ut suorum scelerum maculas ira luerent, vel  
 meritorum praemia in nobilioribus corporibus existentes au-  
 gerent. (1) *In secundo τριτοῦ ἀρχῶν libro, mundos asserit innu-  
 merabiles, non iuxta Epicurum uno tempore plurimos, & sui  
 similes, sed post alterius mundi finem, alterius esse princi-  
 pium, & ante hunc nostrum mundum alium fuisse mundum, &  
 post hunc alium esse futurum, & post illum alium, rursusque  
 caeteros post caeteros... Cum vero haec dicat nonne manife-  
 stissime gentium sequitur errores, & Philosophorum deliramen-  
 ta simplicitati ingerit Christianae?*

## XLIII.

Verum enim vero hisce delirantiam hominum spretis  
 somniis, ac nugis, aliter omnino de animorum statu, atque  
 habitudine est existimandum post corporis mortem: (2) *Scimus  
 enim quoniam si terrestris domus nostra huius habitationis dis-  
 solvatur, quod aedificationem ex Deo habemus domum non  
 manufactam aeternam in Caelis; est igitur cuique statim post  
 obitum statuta operum merces, vel poena ab Sapientissimo,  
 & iusto Deo, (3) qui reddet eis secundum opera eorum, &  
 secundum facta manuum suarum, animique corpore carentes  
 iisdem afficientur praemiis, vel poenis iusto Dei iudicio sta-  
 tim ac e corpore exceſſerunt.*

## XLIV.

In hisce autem praemiorum, poenarumque stabiliendis,  
 decernendisque generibus, non humana quidem ratio quae  
 hac in re quam sit exigua aperte cognoscimus, sed divina  
 re-

(1) S. Hieronymus ubi supra.  
 (2) 2. ad Corinth. cap. 5.

(3) Hierem. cap. 31.

revelatio quae in Sacris Litteris, & Ecclesiae traditione existit est consulenda, qua profecto certo scimus quas Supremus Iudex, & legum suarum vindex Deus, & custos, transgressoribus poenas, quae iustis praemia decreverit, ac statuerit, Quamvis enim communis omnium gentium ratio suadeat seculis, ac impiis suorum criminum poenas esse luendas, iustos e contra probosque viros qui ad legum praescripta mores suos componunt, laborum, ac meritorum praemia eos consequi oportere; tamen quia multiplex esse potest apud rerum omnium provisorum, & gubernatorem Deum, & criminum poena, & meritorum praemium, hinc certe factum est, ut rationes quae divina revelatione misere caruerunt, etsi in eam sententiam de mulandis post mortem impiis, & iustis praemio afficiendis descenderint, in iis tamen definiendis plura, vel pueriliter, vel inter sese contraria commenti sint. (1)

#### XLV.

Itaque id primum ex Sacrarum Scripturarum aeloquiis, & ex universa Sanctorum Patrum traditione certo intelligimus, homines iustos, quorum in lege Domini voluntas extiterit, quique nec in impiorum consilio abierint, & in peccatorum via non steterint, quibus tandem nihil post mortem de peccatorum poenis sit luendum, eos statim post corporis dissolutionem efferrī in Caelum, ut clara, iucundissimaque Dei visione fruantur, utque *epulentur, & exultent in conspectu Dei, & delectentur in lactisia.* (2)

#### XLVI.

Qui vero humanis sese vitiis contaminarunt, ac flagitiis inquinaverunt, quique in vita a mandatis Dei declinarunt, iisque gravibus contra Dei legem criminibus obstricti mortem

ope-

(1) Quam multae, quamque inter se discrepantes fuerint hac de re omnium feriae gentium, ac nationum sententiae norunt Sapientes; sunt enim tam multae, & tanta in varietate, ac diffinitione constitutae, ut earum molem sit adnumerare sententias. Adeun-

das hac super re Ioan. Gerardus Vossius Lib. I. de Origine Idolatr. Probos autem viros postquam decesserint veluti Deos esse habitos scimus apud veteres Etruscos, Romanos, Pelasgos, Aegyptios, Aethiopes, Phrygas, Cilices &c.

(2) Psal. 67.

operierunt, quin eadem scelera retractaverint, ab iisque sese Deo auxiliante totisque viribus non continuerint, eosdem profecto nec beata Dei visione, & confortio, nec ulla felicitate donandos, sed suppliciis, gravissimisque poenis multandos statim ac e corpore evaserint, omnes utriusque Faederis paginae, cum universa Sanctorum Patrum consensione, testantur. (1)

XLVII.

Quoniam vero non quibusvis peccatis, vel criminibus admittis eadem omnino semper poenarum, vel suppliciorum genera decernuntur, idque ex omnium gentium legum praescriptione intelligimus; hinc profecto factum est, ut cum possit homo diversa ratione, & gravitate peccatum committere, sint propterea pro diversitate peccatorum, ab iusto Deo diversae quoque poenarum species constitutae; Hinc optimo quidem iure duplex peccati genus ab Theologis distinguitur, mortale quod dicunt, alterum veniale; qui igitur animi mortalibus piaculis inquinati e corpore excedunt, summis illis, quae supra diximus, suppliciis iure multantur; qui vero venialium criminum, vel remissorum mortalium poenas in hac vita non dederunt, eosdem in altera vita ad tempus qui-

(1) Quod de poenarum, praemiorumque retributione hac usque differimus, (quae omnia animos manent cum e corpore excesserint, id profecto Ethnics perspectum fuisse constat, ita ut mirari satis non desinant viri sapientes, inter Christianos Philosophos, extitisse qui hoc vertere in dubium impie, & impudenter possint. Socrates apud Tull. Tusc. quest. Lib. I. cum supremum vitae diem sibi imminere conspexisset, ita locutus est, ut non ad mortem trahi, sed in caelum videretur ascendere, ita enim confabulatus duas esse vias, duplicesque cursus animarum e corpore excedentium: nam qui se humanis viriis contumaciter, & se totos libidinibus dedissent, quibus caecati velut domesticis vitis, atque flagitiosis se inquinarent, vel in Rep. violanda frantes inexpiabiles conceperint, devium quoddam iter esse

seclusum a concilio Deorum: qui autem se integros, castosque servassent, quibusque fuisset minima cum corporibus contagio, seseque ab his semper servocassent, essentque in corporibus humanis vitam imitati Deorum, his ad illos a quibus essent profecti, reditum facilem potere. Iamblicus qui Pythagorae, ac illius sectae discipulorum mores, sententiasque accurate perscripsit, haec in Common. adhor. ad Philof. Lib. 2. cap. 17. habet. Nihil enim forte secum animas amictus ad alteram vitam, quoniam probitatem, & improbitatem, quae plurimum prodesse, vel obesse adiungit noscuntur. Atque anima quidem melior cum Deo habitat praesens deus regionem incolit: quae vero sese facti impius contra navit profectus, ad infera subterranea meritis poenis deputat: atque hanc esse omnium Pythagoreorum Sententiam docet.

quidem luan̄t necessum est(1), atque inde fit ut tertiam veluti sedem animorum e corporibus excedentium, cum universa Ecclesiae traditione statuamus, eamque *Purgatorium* dicimus.

## XLVIII

Quae de praemiis iustorum, quae de improborum poenis, ac suppliciis constituimus, ea ita sunt perspicua, ut ad revincendos eos, qui haec in dubium revocant, quos esse multos intelligimus, ipsamet ratio, & vera Entis perfectissimi notio plurimum confert; Si enim sanctitate, iustitia, ac providentia eaque maxima qua fieri potest praedictum esse Deum oportet, consequitur profecto eum & iustis praemia, & flagitiosis supplicia decernere post mortem iis, qui brevi hoc vitae spatio nec honorum operum fructum, nec commissorum criminum poenam percipere nullatenus potuerunt; id quod vel optimos quosque rerum publicarum administratores plurimum decet. (2)

## KLIX.

*Quid est (3) igitur, cur dubitandum sit, quin sint ea, quae disputavimus, verissima, si eventa, si populi, si nationes, si Graec-*

(1) Quaestionem hanc universam luculenter satis S. Thomas Lib. 3. cont. gen. cap. 143. declarat, & explicat: Duplīter, inquit, contingit peccare: uno modo sic quod totaliter intentio mentis avertatur ab ordine ad Deum, qui est ultimus finis bonorum; & hoc est peccatum mortale. Alio modo sic, quod manente ordine humanae mentis ad ultimum finem impedimentum aliquod offeratur, quo retardatur, ne libere tendat in finem, & hoc dicitur peccatum veniale: si ergo secundum differentiationem peccatorum oportet esse differentiationem poenarum, consequens est, quod ille qui mortaliter peccat sit puniendus sic quod cavet ab hominis fine; qui autem peccat venialiter, non ita quod excidat, sed ita quod retardetur, ut difficultatem patitur in adimplendo finem: sic enim iustitiae ser-

vatur aequalitas, ut quomodo homo peccando voluntarie a fine se divertit, & poenaliiter contra suam voluntatem in finis adeptione impediatur.

(2) Solon percunctatus quid magis Reip. saluti prodesset, respondit: Si boni praemiis invitentur, mali autem poenis coercantur. Cic. ad Brut. Epist. 15. Stobaeus autem Serm. 41. Licurgus, inquit, dicere solitus erat duobus potissimum rebus canini Reip. praemio scilicet, & poena. Socrates apud Tuill. ad Brutum, Civitates optime gubernari dicebat cum iniusti dant poenas; & Pithagoras apud Plutarcum Lib. 2. de Leg. Civitates optimas esse dicit, quae postquam malos poenis coercet, viros tantum bonos admitteret.

(3) Cic. Lib. I. de divinit.

*si Graeci, si Barbari, si maiores etiam nostri, si denique hoc semper ita putatum est, si summi Philosophi, si Poetae, si sapientissimi viri, qui Resp. constituerunt, qui urbes condiderunt, hoc semper animo constrictum habuere, esse impiis poenas, iustis praemia post mortem constituta? Id profecto tum Graeci, cum Latini Sapientes inexpiabili religione sanxerunt; Hinc tria ab eis loca constituta, ubi defunctorum animi continerentur, Elisium nempe, Infernum, & Tartarum, quorum primum virtute praestantibus viris, alterum impiis, extremum vero iis qui medium quoddam vitae genus complexi fuerant, reservari arbitrabantur; hinc conficta ab eis Acherontis palus, quae prima animos excipiebat, hinc portitor Charon, frementibus flammarum undis Phlegeton, Cocytus tristissimus amnis, & Cerberus latrans; hinc porro severissimi iudices Aeacus, Minos, & Rhadamanthus, & quae singulos commissa fateri scelera compellebant, Eumenides; atque hinc demum excogitata supplicia tam multa, & tam generum diversorum, Sisyphi irrequietum saxum, Tantali perpetua sitis, ac fames, Danaum inexplabile dolium, Tithi insatiabile vultur, Thesei aeterna sessio, atque alia id genus permulta, quae insitum in omnium gentium animis fuisse demonstrant, esse homines in altera vita vel praemiis, vel suppliciis pro meritum diversitate afficiendos. (1)*

L.

Quae quidem improbis supplicia, & iustis praemia ab supremo rerum omnium gubernatore, & summo moderatore Deo, ut diximus, statuta, aeternum certe duratura, nec finem umquam habitura scimus ex Sacrarum Scripturarum eloquiis, & ex universa Sanctorum Patrum traditione; Quapropter minime Origeni (2) Adamantio auscultandum, iisque bene

(1) Pleni sunt omnium Philosophorum cuiusvis aetatis libri qui id luculenter confirmant cum apud Graecos, tum apud Latinos; Poetarum quoque innumera extant huius rei argumenta. Ad eundem hac de re Grutcrius apud Gronovium Tom. 12. Natalis Comes Lib. 3.

Mithologiae. Lactantius Firmianus Lib. de fals. Relig. & Io. Vincentius Patuzzi Ord. Praedic. de Futuro impiorum statu Lib. I. &c.

(2) Lib. 1. c. 12. praefertim; adeundus Huetius in Origeni. Lib. 2. quaeft. xi. num. 12.

bene multis eiusdem Sectatoribus, qui damnatorum, & daemonum quoque supplicia tandem finem obtentura contendunt, id quod ut vitiis, ac voluptatibus liberius fortasse indulgeant nonnulli, extremis hisce temporibus impie docere non verentur. (1)

LL

Quamvis autem impiorum poenas numquam desituras Sanctarum Scripturarum oraculis, Patrum testimoniis, ac multiplici argumentorum pondere adstricti confiteri cogantur ex heterodoxis permulti, futurum tamen existimant, ut inferorum supplicia, quae impios diu, multumque affecerunt, mitiora tandem, ac leviora illis evadant, quo fiat ut damnatorum supplicia minuantur, vel cruciatus eorum quandoque etiam per diuturnam durationem intermittantur; quod porro nec Scripturarum, nec Sanctorum Patrum sententiis congruere potest umquam.

LII.

Neque ii vera dicunt, qui (2) *quadam misericordia moti, & humano affectu errantes*, etsi malos quidem angelos aeternis suppliciis mulctari credant, non ita tamen Christianos, & praesertim Catholicos, qui licet sese vitiis inquinaverint, in iisque decesserint, eos tamen putant Dei misericordiam tandem consequuturos, & postquam suorum scelerum poenas luxerint, etiam in quacumque haeresi, vel impietate hinc migraverint, ex aeternis illis suppliciis esse eruentos, ac liberandos (3), atque ad id, ut sibi blandiuntur, comprobandum multis Scripturarum testimoniis abutuntur, & S. Hieronymum prae caeteris patronum habere se putant posse, atque impune dictitant. (4)

LIII.

- (1) Prediit inter caeteros non ita pridem incerti auctoris, sed Calviniani quidem Liber, cui haec est inscriptio: *Lettres sur la Religion essentielle a l'homme &c.* qui impium hoc dogma indolens abtrudit.  
(2) S. August. de Civit. Dei Lib. 2. c. 17.  
(3) Horum opiniones diversas accurate

- describit, ac relucit S. August. de Civ. Dei Lib. 2. cap. 17. & Sanctus Thomas distin. 46. quaest. 2.  
(4) S. Hieronymum in hac fuisse opinione versatum impune arbitrantur nonnulli, idque ex ii praesertim probare se putant posse, quae in suum Commentar. in Isaiam, & in Dialog. contra Pelag.

LIII.

Res igitur est exploratissima impiorum quorumlibet animos qui ex hac vita suorum scelerum maculis inquinatos in alteram migrant, aeternis eos omnino suppliciis statim esse addictos, eaque supplicia in aeternae gloriae, bonorumque omnium privatione non solum, verum etiam in poenis, mae-  
rore, & afflictionibus caeteris omnibus huius vitae multo a-  
marioribus esse sita, quae *Damni*, & *Sensus* poenae ab Theo-  
logis (1) appellantur, quibus etiam conscientiae exprobratio-  
nem acerbissimam, quam vermis nomine persaepe indicant  
Scripturae, esse adiiciendam constat; quae qui negant, illi  
quidem apertissimis Scripturarum, Patrumque testimonius a-  
versantur.

LIV.

Improbi praeterea omnes, quamvis multiplici hoc poe-  
narum genere perpetuo afficiantur, non aequa tamen ratione  
illos suppliciis iisdem mulctari existimandum est; Cui enim  
non eadem sit omnium meritorum conditio, neque eadem  
peccatorum gravitas, & quantitas, omnis profecto iustitiae  
ratio postulat, ut non aequa sit in eos omnes poenarum ani-  
madversio, & poenam inter, & delictum aequalis servetur  
proportio necessum est, id quod & Scriptura, & Patres aper-  
tissime edocent. (2)

LV.

Pelagian. S. Doctor litteris signa-  
vit, quod Petavius Lib. 3. de Angel.  
cap. 7. non Hieronymo solum, sed  
etiam nonnullis aliis Ecclesiae Patribus  
vitiis tribuit, perperam quidem; adeun-  
dus Natalis Alexander Tom. 3. Histor.  
Eccles. & L. Vincentius Patuzzi de  
Impior. statu Lib. 3. cap. xi.

- (1) S. Thomas apposite, sapienterque de  
more id explicat, & confirmat Lib. 3.  
contr. Gent. cap. 145. Poena, inquit,  
debet proportionaliter culpae respondere;

*in culpa autem non solum avertitur mens  
ab ultimo fine, sed etiam inlebrata con-  
vertitur in alia, quasi in fines. Non  
solum ergo puniendus est qui peccat per  
hoc quod excludatur a fine, sed etiam  
per hoc, quod ex aliis rebus sentiat no-  
cumentum.*

- (2) Concil. Florent. in Decret. statuit,  
Omnes qui in peccato mortali ex hac  
vita decedunt in infernum statim de-  
scendere poenis disparibus puniendos.

## LV.

Iam vero ad eos quod attinet, qui ex his vitae miseriis, ac tenebris excefferint, quique haeredes sunt Dei, cohaeredes autem Christi, eos porro aeterna, summaque felicitate, ac beatitudine esse cumulandos certo scimus, Deique regno esse porituros: (1) *Non est autem regnum Dei esca, & potus, sed iustitia, & pax, & gaudium in Spiritu Sancto*, eorumque erit certe cumulata laetitia in clara Dei visione, atque in perfectissimo eius amore constituta.

## LVI.

Creatus autem intellectus, licet naturali vi sua, ac virtute Dei essentiam videre minime possit, ad eam tamen cognoscendam, intuendamque, lumine quidem gloriae intellectus ipse a Deo perficitur, & elevatur, quo fit ut beatorum animi aeternum illud totius veritatis, iustitiae, sanctitatis, ac omnium perfectionum principium, atque originem Deum inuentes facie ad faciem (2) in lumine ipsius lumen (3) videant, eumque perfecto amore prosequantur, atque absoluta iucunditate perfundantur.

## LVII.

Quamvis autem omnes Deum sicuti est (4) intueantur, summaque voluptate beatorum animi in Divina illa visione afficiantur, unum autem altero perfectius pro meritorum diversitate eandem essentiam intueri explorata res est, *ac propterea diversa ibi erit Sanctorum gloria, sed una erit omnium vita aeterna* (5); Diversa autem meritorum genera, ab diver-

(1) Apost. ad Rom. 14. 17.

(2) 1. ad Cor. 13.

(3) Psal. 35.

(4) 1. Ioan. 3.

(5) S. August. Lib. de Fide ad Petr. cap. 25.

1. Firmissime tene, & nullatenus dubites,

ideo Christum Filium Dei ad iudicandum vivos, mortuosque venturum, ut homines, quos hic dono gratiae suae &c. glorificet, & secundum promissiones suas aequales Sanctis Angelis facias.



versa singulorum charitate omnino esse repetenda nemo unus inficiabitur. (1)

## LVIII.

Quoniam vero beatorum animi divinam illam nullisque limitibus coercitam, atque infinitam essentiam comprehendere nulla ratione possint, non omnia propterea, quae in Deo sunt intuentur; ea tamen universa, quae ad naturale quoque ipsorum desiderium complendum pertinent, in immenso illo totius naturae, & veritatis principio conspiciunt feliciter, & intuentur; hinc rerum species, & genera, & earum rationes vident; ea quoque, quae apud nos in hac rerum universitate contingunt, quae, nempe, ad naturalem universi ordinem spectant, eos scire, ac cognoscere facili ratione crediderim. (2)

## LIX.

Animi igitur cunctorum hominum ab suis ipsorum corporibus seiuncti, iis, quae diximus, vel poenarum, vel praemiorum generibus ex meritum diversitate iusto, sapientissimoque Dei iudicio, afficiantur necesse est; extremo tamen mundi huius, & communi omnium hominum iudicii die animos eisdem suis ipsorum, iisdemque corporibus uniendos, ac consociandos fide credimus, ac tenemus; omnesque (3) line ullo humanae naturae defectu resurrecturos arbitramur, donec occurramus omnes in perfectum virum, in mensuram aetatis plenitudinis Christi. (4)

## LX.

(1) S. Thomas Pr. pr. quaest. xii. art. 6. Unde intellectus, inquit, plus participans de lumine gloriae perfectius Deum videbit; plus autem participavit de lumine gloriae qui plus habet de charitate, quia ubi est maior charitas, ibi est maior desiderium, &c.

(2) S. Thomas Pr. Pr. quaest. 89 art. 8. Postquam Sanctorum Augustini. & Gregorii 12. Moral. cap. 14. sententias hac de re, adduxit: Magis, inquit, videtur secundum sententiam Gregorii, quod animae Sanctorum Deum videntes omnia essentia, quae hic aguntur, cognos-

cant, sunt enim Angelis aequales: de quibus etiam Augustinus asserit, quod ea, quae apud viros aguntur, non ignorant.

(3) Idem S. Thom. in suppl. 3. p. quaest. 81. art. 1. Respondit dicendum, quod homo resurgens absque omni defectu humanae naturae, quia sicut Deus humanam naturam absque defectu instituit, ita sine defectu reparabit .... Et ideo reductur humana natura per resurrectionem ad statum ultimae perfectionis, quae est in invicibili aetate.

(4) S. Paul. ad Ephes. 4.

## LX.

*Oportet (1) igitur corruptibile hoc induere incorruptibilitatem, & mortale hoc induere immortalitatem (2), & qui suscitavit Iesum Christum a mortuis, vivificabit mortalia corpora nostra (3); omnes autem resurgemus, sed non omnes immutabimur; beatorum enim corpora multis caelestibus donis cumulata, suisque ipsorum animis amico faedere iuncta, aeterna perennique felicitate in Caelum ascendent; impiorum vero obscuritate, gravitate, crassitieque obrita, despectaque corpora, aeternis, gravissimisque suppliciis mulctanda ad inferos detrudentur.*

(1) 1. ad Cor. cap. 15.

(2) Ad Rom. cap. 7.

(3) 1. ad Cor. 15.

---

*Disputabuntur publice Florentiae ad S. Marcum Mense Iulii 1773.  
Die hora pomerid. Facta cuilibet post tertium  
argumentandi facultate.*

